

Powšitkowne WOZJEWJENJA

njedźelu, 9. awgusta 2020

Na Marije donjebjeswzaća w Róžeńće

Serbskorěčna Boža mša na swjedženju swjateje Marije donjebjeswzaća sobotu, 15. awgusta, w Róžeńće budže w 9 hodź. Wšitcy wěriwi su wutrobnje přeprošeni.

Změna wotewrjenskich časow wustajeńcy

Wustajeńca k 600lětnemu wobstaću Bratstwa swjateho Bosćana w Chróšćanskim Hórnikowym domje je w awgusće stajnje wutoru, 17 do 18 hodź.; pjatk po kemšach, kotrež su w 19 hodź., hač do 20.30 hodź.; njedźelu po wšěch kemšach a po nyšporje wot 14.30 hač do 17 hodź. přistupna. Njedźelu poskići so zajimcam wodženje w 14.45 hodź. a dalše w 16 hodź.

Zetkanje samostejacych

Samostejacy ze serbskich wosadow su na swoje přichodne zetkanje wutoru, 1. septembra, w 14 hodź. do Domu biskopa Bena w Smochćicach přeprošeni. Zajimcy njech so prošu hač do wutory, 25. awgusta, w redakciji Katolskeho Posoła přizjewja, telefonowe čisło (0 35 91) 55 02 12. Tež dalši zajimcy su wutrobnje witani. Kóždy njech sej prošu Wosadnik a masku sobu přinjesu, wšako maja so hygieniske předpisy kubłanskeho domu dodžeržeć. Štóž chce wotewzaty być, njech to prošu zdžěli.

Ekumeniski nyšpor ze swjećenjom zelow

Ekumeniski nyšpor ze swjećenjom zelow budže njedźelu, 16. awgusta, w 17.15 hodź. w klóštrje Marijinej hwězdze w Pančicach-Kukowje. Na tamnišej zahrodze budžetaj jón katolski farar Dariusz Frydrych z Biskopic a ewangelski farar Thomas Schädlich z Huski swječić. Wopytowarjo móža zela sobu přinjesć a je woswječić dać. Hižo wot 14 hodź. poskići so pisany program za cyłu swójbu. Tak na přikład móža w koncerće „Wrótna kuchnja“ z Frankom Fröhlichem z Drježdźan sobu skutkować. Změja tež wiki ze zelemi a regionalnymi produktami w klóšterskej zahrodze a Lipju.

Wulět dekanatneje młodžiny

Wutrobnje přeprošujemy serbskich młodostnych na wulět dekanatneje młodžiny njedźelu, 30. awgusta. Započnjemy w 15 hodź. z młodžinskim nyšporom w Róžeńčanskej swjatnicy. Přizamknje so přezpólna hra geocaching pod temu „Back to the roots“ (Wróćo ke korjenjam). Wječor wuklinči ze zhromadnej wječerju a spěwnym wječorkom při lěhwowym wohenju.

Wot kóždého wobdźělnika zběra so přinošk we wysokosći 3 eurow. Hygieniske předpisy hladajo na koronowy wirus ma kóždy wobdźělnik dodžeržeć.

Dekanatne dušepastyrstwo za młodžinu

Serbske kemše w Drježdźanach

Drježdźanscy Serbja su na maćernorěčnu Božu mšu njedźelu, 23. awgusta, w 16.00 hodź. do cyrkwy swjateho Antonija w Drježdźanach-Löbtauwje, Bünauska hasa 10, přeprošeni. Kemše změje farar Gabriš Nawka z Kulowa.

Spěchowanske towarstwo Domu biskopa Bena pyta nowych člonow

Pod hesłom „Kubłanje k žiwjenju“ podpěruje towarstwo Přeceljo a spěchowarjo Domu biskopa Bena Smochćicy z.t. tamniši kubłanski dom. Mjez druhim podpěruja woni zarjadowanja k politiskemu a kulturnemu kubłanju, socialne projekty, serbsko-němsku wzajemnosć a čestne zastojnstwo. Štóž by so rady sobu angažować chcył, je w spěchowanskim towarstwje wutrobnje witany. Lětni přinošk wučinja na člona 60 eurow. Zajimcy njech přizjewja so w Smochčanskim Domje biskopa Bena pak telefonisce pod čislom (03 59 35) 2 23 15 abo pisomnje z mailku na freunde@benno-haus.de.

„Mjenje stresa – wjace wjesela“

W Domje biskopa Bena w Smochćicach ma so w pjatym tydženju lětnich prózdnin wot soboty do soboty, 15. do 22. awgusta, swójbny tydzeń pod temu „Mjenje stresa – wjace wjesela“ wotměć. W času seminarow za staršich změja džěci swójsku zaběru. Kubłanske dny wobsahuja tohorunja pisany wólnočasny program. Nadrobne informacije dóstanu zajimcy w Smochćicach pod telefonowym čislom (03 59 35) 2 20.

Dom swjateje Ludmile pyta hladanski personal

W Domje swjateje Ludmile w Chróscicach maja wšelakore džěłowe městna chorobneje sotry abo hladarja starych ludži. Poskićeja zajimcam wobšěrne a dokładne zadžěłanje, džěło w dynamiskim teamje a přijomnej atmosferje kaž tež wobstajne dalekubłanja. Mzda płáci so po tarifowych rjadowanjach Zwjazka Carity. Swoju pisomnu próstwu měli zajimcy zapodać w Domje swjateje Ludmile, Zejlerjowa 4, 01920 Chróscicy abo z mailku pod heimleiter@st-ludmila.de. Nadrobnosće zhonja woni pod telefonowym čislom (03 57 96) 94 73 30.